

SYNODVS

DIOECESANA VALENTINA, CELEBRATA PRAE


sd: Illustrissimo ac Reuerēdissimo D.

D. Ioanne à Ribera Patriarcha An-

tiocheno, & Archiepiscopo Va-

lentino, mense Maio,

Anno 1594.



Valentiae apud Aluarum Francū, & Gabrie-
lem Ribas. Anno 1594.

IOANNES ARIBERA
PATRIARCHA ANTIO-

chenus, & Archiepiscopus Valen-
tinus, parochis suæ diœce-
sis Salutē in Dño.




*IDEO post tot Conci-
lia generalia, provincia-
lia, diœcesalia non mul-
tum esse opus novis legi-
bus, pluribusq; decretis
(quod memini vos a me
commenitos, cum huic Synodo iam princi-
pium daremus) sed in id potius nervi intē-
dendi sunt, vt quæ salubriter sunt statuta,
salubriter executioni mandentur. Est ni-
hilominus opus crebris Synodis diœcesa-
nis (id quod sancta Tridētina Synodus sua-
det, imo præcipit fastitandum) primum
quidem, vt quæ sunt sancte sancita, sed ho-
minum incuria & negligentia (non enim
dicā verversitate, aut pravitate) in desue-
tudinē abiire, reuocentur in vsum: dein-
de vt*

EPISTOLA.

de ut si res ita exigat, quædam denuo sanciantur. Vtrumque divina miseratione in hac breui Synodo cecidit non in feliciter. Nam paucissimorum dierum dispendio perfecimus primo quidem, ut multa prudenter siue a præcessoribus nostris, siue a nobis ipsis antea statuta, quæ tenebris obruta videbantur, & extincta, in lucem, & vitam restituerentur: quæ mortua iam erant, reuiuiscerent. Secundo quædam noua partim mihi, partim vobis in mentem venerunt, æffulgente haud dubie nobis etsi immerentibus patre luminis (qui enim duobus aut tribus in eius nomine congregatis ad est medius, an non certius aderit numeroso cætui parochorum suppliciter vocatus?) quæ ut spero succedent feliciter & ex voto. Ex his quædam digna visa sunt, quæ decretorum nomine donata magis sic firmarentur, & fulcirentur. Hæc igitur eadem, quæ vobis ipsis probata fuerant, nunc mittimus typis excusa, vos iterum atque iterum monentes, & per viscera mi-

EPISTOLA.

sericordiae De nostri obtestantes ut ecclesiarum legum, Synodaliūque decretorum executioni constanter & fortiter incumbatis: in hac enim totius ecclesiasticae disciplinae cardo voluitur. Sic fiet, ut muneri vobis a me iniuncto satis faciatis, nostrae de vobis conceptae expectationi respondeatis & tandem (quod caput est omnium) omnipotenti Deo animarum vestrarum iudici placeatis.



DECRE-

DECRETA

DECRETA DIOECES- sanæ Synodi Valentinae.

*Titulares confraternitatum imagines in
sacris locis deinceps reponantur.*



Rauiter ægreq; fert tota hæc
Synodus, quod confraternita-
tum imagines pluribus nomi-
nibus iniignes, & in quas populus pro-
pensiori affectu est, in nostra tamen vr-
be minus decenter quam par est, habe-
antur. Inducuntur enim in cerdonum
domos, & in eorum officinis, sutrinis ni-
mirum, aut textrinis collocantur, in qui-
bus artes quæstuariæ, ac sordida opificia
exercentur, & merces profanę venditã-
tur: aliquando etiam in ænopolyis as-
seruantur: & non raro incubiculis, in
quibus stratis lectis noctu cubatur: &
alia his similia contingunt, quæ honori
& reuerentiæ talibus imaginibus de-

I
Decretũ

DECRETA

2

bite parū congruunt. His accedit, quod ad nimiam solitudinem iam redactis ecclesiis parochialibus, Sabbatho ad vesperscente ad profanas illas laicorum edes a tota vicinia cōcurritur: ibiq; Salve Regina, gaudia, & aliæ preces à cantoribus & citharistis decantantur quasi in sacris ædibus. Imo etiam novēdiales itiones fœminarum supplicandi aut voti exoluendi causa ad officinas illas post habitis templis itantium & ventitantium est videre. Decurso vero anno prædictę imagines ad alterius opificis domum traducuntur sub vmbella vel pallio per vias ornatas quidem tapetibus & auleis sed sine clero magna comitante caterua fabrorū qui in illa pompa cleri officiū vsurpant. Quæ omnia oculos eorum qui pie de rebus ecclesiasticis sentiunt vehementer offendunt. Quam ob rem nos prædictarum imaginum venerationi studentes, & ecclesiarum zelo tacti præcipimus sub latę sen-

tae sententiae excommunicationis poenam
 Synodo vniuersa non modo approban-
 te sed applaudente & acclamante, vt ti-
 tulares confraternitatum imagines de
 inceps in locis tantum sacris, quae con-
 fratres ipsi suo arbitrio delegerint, re-
 ponantur: nec in laicorum domos redu-
 cantur seruandę. Prepositis vero con-
 fraternitatum qui praedictas imagines
 in suis domibus nunc retinent, sub eadē
 poena mandamus, vt intra triduum post
 huius decreti promulgationem in sacra
 loca transferant. In super confraternita-
 tes omnes monemus & amanter horta-
 mur, vt praedictis suis imaginibus non
 minorem deinceps in ecclesiis honorē
 deferant, quam antea in suis ipsorū do-
 mibus, sed parem, aut etiam ampliorē.

Ep. Salz

*Mulierum operariarum officium colla-
 tur de Ecclesiis.*

II

A Ccepit haec Synodus a multis fide
 dignis, quā magnis sumptibus atq;

Decretū

A 4 impen-

impensis foeminae in templis operariae dictae, quae ad festum assumptionis B. Mariae mense Augusto celebrandum eliguntur, munus illud suum tum in musicis & suffimentis, tum alijs in rebus peragant. Dolet etiam plurimum propter tumultuosum multorum ad huiusmodi festum concursum oblata impuris & parum religiosis occasione, abusus aliquot in diuina templa irrepsisse. Cupiens itaque Synodus malis huiusmodi mederi, quibus maxime Deus offenditur, & ipsos etiam parochiarum incolas tot sumptibus liberare, statuit neotericum hoc mulierum munus exterminare ab urbis Valentiae templis. Praecipimus igitur Synodo suadente, ne impofterum intra Valentiae urbis moenia ad praedictum sacrae Mariae festum operariae huiusmodi eligantur, & quae anno hoc electae sunt, ab eo officio desistant. Volumus etiam deinceps, quo magna haec festiuitas antiquum splendorem retineat, rectorem aut

S Y N O D I.

aut rectoris loco vicarium vna cum clericis aliquot, & cum eo qui patinā Dei paræ virginis toto anno circumfert, domos totius parochiæ maturè circum ire aduentante festiuitate prædicta, petitu-
ros eleemosynam à tenuibus quidem tenuem, à ditioribus verò aliquāto pinguiorem. Sed præcipue eas quæ hoc anno de lectæ iam erant operariæ, & reli-
quas quæ ea conditione sunt, vt sperare debeant se ad hoc munus esse vocādas, hortamur; vt pro immensis sumptibus qui eas manebant, eleemosynam quot annis largiātur paulo copiosiore. Cæ-
teros etiam parochianos tum viros tū mulieres monemus, vt alacri animo, & proinnato Valentiniæ genti in diuā Vir-
ginem studio, ad solemnitatem hanc B. Mariæ totius anni celeberrimam sanc-
tius etiam quam antea celebrandam ac-
currāt sublatis iam offendiculis ad quæ antea, intra templa ipsa impingebatur.
Ad moneatur etiam mature patinifer

A 5 prædi-

prædictus, curam huius magnæ festiuitatis ad eum præceteris in parochiis intra vrbs Valentiaë muros post hac spectaturam.

Vicarij ad omnes distributiones admittantur.

III
Decretū

IN cunctis Ecclesiis nostrę diœcesis vicarij, quoniam quasi prorectores sunt, admittantur ad omnes manuarias distributiones tãquã beneficiati. Quippe benigna hæc in vicarios indulgentia iure optimo debetur frugifero, imouero necessario ministerio, quo illi in ecclesia Dei funguntur.

Missæ a parochis diebus Dominicis & festis semper pro populo celebrētur.

IIII
Decretū

REctores & Vicarij, qui Missas pro populo celebrare tenentur, ne credant suo muneri atque obligationi fecisse satis, si diebus Dominicis & festis Missam dixerint nuptialem, seu
pro

S Y N O D I

pro præfenti corpore. imo vero prædictis diebus Dominicis in quam & festis debent Missam pro populo eis commisso celebrare.

De fossore.

V

Quoties ex portandum est funus in alterum oppidum, placuit Synodo ob multas causas easdemq; æquas exportari comitate etiã libitinario seu effossore eius parochiæ, vnde funus effertur. Eius enim opera in funebri illo comitatu passim necessaria est. fossoris diaria merces octo solidi sint. Decretū

De tabella nouo præfecto operum proponenda.

IN Hierophylaciis seu sacristiis tabella suspendatur, aut parieti affigatur in qua ordine describantur omnia, quæcumq; ad præfectum operum ecclesiæ illius pertinent ex officio: atq; Rector seu etiam Vicarius teneatur, nouo operum VI
Decretū

8

DECRETA

operum præfecto illam tabellam ineunte anno indicare, & totam explanare: quo præfectus operum annum manus statim plenè edoceatur: nec, in via quã ingressurus est, aberret per inscitiam.

Scholarum cœlibatus.

VII
Decretũ

Templorum ministri illi, quos scholanos vocamus, non modo sacras vestes ex officio contrectant complicantes & explicantes, crucem etiam suæ ecclesiæ, erectam publice deferentes, sed subindemunere funguntur proximo iis qui sacris ordinibus sunt initiati. Quare æquum & cum ratione coniunctum est, ut semudos corpore exhibeant, tamquam ecclesiæ quoque ministros; præstentque se dignos ecclesiastico illo, quo funguntur, ministerio. Prohibemus igitur deinceps ædituos seu scholanos nostræ metropolitane ecclesiæ Valentini, atque etiam collegiatarum ecclesiarum Se-tabensis & Gandianæ esse coniugatos. Præcipimus etiam in ceteris ecclesiis nostri

nostri Archiepiscopatus, in quibus hoc ipsum possit non in commode obseruari, curent Rectores cæterique curati scholanos cēlibes habere.

*In quarta ceræ quæ parochia futura sit
secunda.*

AD impediendas controuersias quæ oriri possent, volumus volente Synodo, quando funus parochiani deferretur extra suam parochiam vocatis aliis parochiis, parochia illa ex qua funus effertur, locum occupet digniorem: reliquæ vero parochiæ procedant pro sua quæq; antiquitate. Adhæc in funerali quarta ceræ primæ partes sint eius parochiæ, ex qua funus effertur: secundæ, eius in quam infertur.

VIII
Decretū

Missæ quæ non celebrantur a proprio beneficiato, describantur in libro rationalis.

Missæ quas singuli beneficiati annis singulis pro beneficiis debent, quando qua-

IX
Decretū

DECRETA

do quacunque ex causa, non celebrantur ab eiusdem beneficii beneficiato, scribantur omnes in codice rationalis, atque earum stipendium penes collectorem eiusdem ecclesie sit: ut utriusque auctoritate atque voluntate Missae illae dispensentur, & celebrentur: nec liceat in posterum predicto beneficiato pro suo arbitratu Missas illas cuiquam committere celebrandas.

Excommunicatus ad reincidentiam quando sit denuo publicandus.

X
Decretum

Cum excommunicatus & a parocho publicatus, pro rogationem & absolutionem obtinuerit ad tempus; parochus de curso illorum dierum spatium non teneatur amplius illum in pulpito publicare, donec ab ipso iudice, qui dedit pro rogationem, iubeatur per novas litteras iterum publicare, non obstante superioris Synodi decreto.

Docto-

Doctores qui examini præficiuntur.

Sacri Tridentini Cōcilij decreto obtemperantes, eorum examini qui vacaturis ecclesiis sunt præficiendi, sequētes sacrę Theologię Doctores approbāte Synodo deputamus, quorum nomina sunt.

Doctor Franciscus Barber Canonicus
Valentinus.

Doctor Eugenius Tudela Canonicus
Valentinus.

Doctor Iacobus Ferruz Præpositus ecclesię
Valentinę.

Doctor Genesius Casanova Præpositus ecclesię
Valentinę.

Doctor Antonius Galā Rector sancti
Stephani.

Doctor Petrus Ioannes Assensus Rector
S. Bartholomęi.

Iudices qui causis ecclesiasticis præponuntur.

AD causas vero ecclesiasticas & spirituales quę ad forum ecclesiasticū
perti-

12 DECRETA SYNODI.

pertinent in partibus à Sede Apostolica vel eius nunciis vel legatis commitendas sequentes in hac diœcesi Valenti-
na à Synodo nominantur, (declarat autē Synodus, quoties novi iudices causarū ecclesiasticarum in Synodis diœcesanis nominantur, cæteros omnes ipso facto ab eo officio desistere & cessare)

. Dñ Federicus à Borgia Archidiaconus & Canonicus ecclesię Valen.

Don Michael Vich Sacrista & Canonicus ecclesię Valentine.

Doctor Egidius Roda Canonicus ecclesię Valentine.

Don Petrus Andres Commendator S. Antonij.

LAVS DEO.